



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

**Beati, Gabriele**

**Augustæ Vindelicorum, 1729**

**VD18 90108957**

59 An peccatum veniale, fieri possit mortale ratione scandali.

**urn:nbn:de:hbz:466:1-39908**

parari non possunt à concubinâ, quamvis immineat periculum lapsus cum concubinâ, quia damnum, quod ex omissione alimentorum prouenit, est graue, & ineuitabile; periculum vero; quod Pater incurrit, Dei auxilio vitare potest, quod auxilium non deerit, cum, non ex propriâ voluntate periculum illud aslumpficit, sed ad propriæ obligationi satisfaciendum, in illud inciderit. *Io. Sanch. d. 10. select. n. 9.*

20 Tertiò; Filium non teneri paternam domum deserere, in qua adest occasio peccandi, nec Mercatores, aut Scribas teneri à proprijs officijs abstinere, quamuis in illis habeant occasionem peccandi; Quia occasio non est illis voluntaria, & illam permittunt potius, quam assumant, nec illam cum graui detimento vitare tententur. *Nauarr. c. 3. sum. n. 4.*

21 Quartò; Neque Parochum teneri, officium deserere, quamuis experiatu voluntariam pollutionem, occasione desumpta ex auditis in Confessione; quia periculum cum tam graui detimento vitare non tenetur; sed satis erit, si firmiter proponat, amplius non consentire; Idemque dieendum esset etiam de quo-

cumque aliò Confessario, si ei ex deserzione officij, aliqua nota honoris, aut famæ immineret. *Nauar. c. 3. n. 16.*

Quintò; Neque teneri concubinam, *22* exire è Domo Domini, si exiens, non recuperatura est, quæ sibi debentur, & hæc sit, aliqua summa notabilis; quamvis enim quilibet teneatur propriæ saluti consulere, etiam sum aliquo detimento temporali; nemo tamen cum graui detimento, peccandi periculum vitare tenterit, cum, etiam non vitando periculum, vitare possit peccatum. *Io. Sanch. d. 10. select. n. 20.*

Sextò; Posse Catholicum ex aliqua *23* graui causâ, Matrimonium contrahere cum hæreticâ; Tum quia peruersionis periculum, in Viro, non censetur ita moraliter proximum, sicut censeretur in fœmina. Tum quia peruersionis, ac salutis periculum, non est ex ijs peccatis, quæ, quamvis circumstantia positâ, vel detractâ, suam retinent deformitatem, sed eius malitia pendet à circumstantijs; Ergo, si adsit causa iusta, poterit non esse peccatum, *Basili. Pont. de matr. in Append. c. 6. Sanch. lib. 7. d. 72. n. 5.*

## Q V A E S T I O LIX,

*An peccatum veniale fieri possit mortale ratione scandali.*

C A S V S.

TITIVS, cum multam pecuniam haberet, timeretque, eam sibi surripiendam, si domi retineret; apud Usurarium eam depositus, *Pp. 3* quamvis

quamvis sciret, illi fore materiam usuræ exercendæ, & hoc esset sub minori excommunicatione prohibitum. Quæritur; Vitum mortaliter peccaverit.

## SUMMARIUM.

- 2 Pecunias apud Usurarium deponere, videretur peccatum scandali.
- 6 Quid sit, Proximi peccato directè cooperari
- 7 Quid sit cooperari indirectè.
- 8 Quo sit obligatio, Proximi peccato non cooperandi.
- 9 Pecunias, ex iusta causâ, apud Usurarium deponere, scandali peccatum non est.
- 10 Qui iustum habet causam, habet ius deponendi.
- 11 Pecunia depositio, non est ex se mala, sed indifferens.
- 12 Nec est directa cooperatio ad usuras.
- 13 Imo, quando datur iusta causa nec indirecta.
- 14 Est solum permisso usura.
- 15 Non datur tunc obligatio usuras impediendi.
- 16 Pecunia depositio, non est inducita ad usuras.
- 17 Qua præstare possit Famulus, sine scandalo, & ex qua causa.
- 21 Meretrici domum locare, non est peccatum scandali.
- 22 Quid possint aupones.
- 23 Qua alia actiones excusat scandalo.

## RATIONES DUBITANDI.

**S**Iicut peccatum ex genere suo veniale, si ipsi Operanti sit occasio proxima peccati gravis, fieri potest mortale. Ita

fit mortale, si similis peccati, ac ruinæ spiritualis, sit occasio Proximo. Idem enim præceptum charitatis, quod obligat ad vitandum peccatum proprium, obligat etiam ad vitandum quantum fieri potest, peccatum Proximi; ergo, sicut obligat ad vitandum periculum proximum peccati proprij, ita obligat etiam ad vitandum simile periculum peccati proximi. Ideoque Titius, pecuniam apud Usurarium deponendo, mortaliter peccasse videtur. *3. Thom. 2. 2. quest. 78. ar. 4 ad 3. Sotus lib. 6. iust. qu. 1. ar. 6. in fine. Nau. c. 14. n. 40. Azor. tom. 1. lib. 12. c. vlt. quest. 2. Loff. lib. 2. c. 20. d. 21 n. 184. Salom. 2. 2 q. 78. ar. 4. controv. 4. quod tamen limitant, quando aliunde, pecunia defutare erant ad usuras exercendas, vel exercendas in tanta quantitate; eo quod tunc depositio, sit collatio instrumenti ad irrogandam iniuriam Tertio.*

Primo; Quia scandalum est dictum, vel factum, præbens alteri occasionem ruinæ. Sed Titius per depositionem pecunia apud Usurarium, præbuit illi occasionem usuræ exercendæ, & consequenter ruinæ spiritualis, siue peccati; Ergo pecunias apud Usurarium deponendo, peccavit peccato scandali.

Secundo; Quia qui cooperatur peccato alterius, quamvis eius ruinam non intendat, reus est peccati quod alter commisit; Est enim causa illius, cum ita ad illud inducat, ut sine eius inductione alter peccatum non commisisset. Sed Titius, pecunias apud

apud Vsurarium deponendo, cooperatus est illius vsuræ; si enim pecunias apud eum non deposuisset, ille vsuram non exercuisset. Ergo reus est similis peccati; eadem enim virtus, quæ obligat ad non peccandum contra illam, obligat etiam ad non dandam alteri occasionem peccandi contra illam.

5 Tertiò; Quia, si Titius, consilio, aut persuasione, Vsurarium explicite induxit, ad vsuram exercendam, certè peccasset peccato scandali; fuisset enim tunc vera causa illius vsuræ; Sed etiam, pecunias apud illum deponendo, induxit implicitè ad vsuram exercendam; ministravit enim illum materiam vsuræ; Ergo etiam pecunias deponendo, peccauit peccato scandali; inducere enim implicita, ad eandem speciem pertinere videtur, ad quam pertinet explicita; cum implicitum, & explicitum ad eandem pertineant speciem.

## NOTABILIA.

6 Duertendum est primò; per hoc, quod quis præbeat alteri proximam peccandi materiam ex se indifferentem ad vsum bonum, vel malum, eius peccatum non intendendo, sed vel propriam utilitatem, vel aliquid aliud; dici non posse directè cooperari peccato illius; nemo enim censetur causa moralis directa illius, quod nec præcipit, nec consulit, nec intendit, nec re ipsa efficit. Qui autem sic præbet peccandi materiam, nec consulit, nec præcipit, nec intendit, nec cum altero actionem peccaminosam efficit. Ergo non cooperatur directè peccato alterius, sed ad summum indirectè.

7 Aduertendum est secundò; Ut quis

per hanc exhibitionem materiae indifferentis, censetur indirectè cooperari peccato alterius, necessario requiri, ut possit, ac teneatur eius peccatum, & illius materiae abusum, impedire; ut enim quis censetur indirectè cooperari peccato alterius, necessario requiritur, ut alterius peccatum sit illi indirectè voluntarium, alioquin rationabiliter illi tribui non potest tanquam causæ. Ut autem quis censetur indirectè velle peccatum alterius, necessario requiritur, ut illud impediere possit, ac teneatur; si enim illud impediere non tenetur, nulla estratio, cur dicatur illud indirectè velle; Vnde Deus non dicitur, nostra peccata indirectè velle, sed solum permittere, quia, quamvis possit, ea impediare non tenetur.

Aduertendum est tertio; Omnes teneri, proximo occasionem peccandi non præbere, & eius peccatum, cum commode possimus, impedire. Hæc autem obligatio oritur, & ex generali præcepto charitatis, quo proximi malum non solum temporale, sed etiam spirituale, vitare tenemur; & ex virtute, cui specialiter opponitur peccatum, ad quod alter inducitur; eadem enim virtus, quæ obligat ad vitandum peccatum, obligat etiam ad vitandam occasionem illius peccati, tam passuum, quam actuum: quia tamē hæc obligatio non est absoluta, sed velut conditionata, cum scilicet commode, & sine graui nostro incommodo possimus; hinc fit, ut quando adest iusta aliqua causa proprii detrimenti vitandi, cesset obligatio; ideoque tunc licitum nobis sit, res indifferentes ministrare, & earum abusum permittere. Hæc autem causa eò debet esse grauior, præmio; quòd grauius est peccatum,

catum, cui datur occasio. Secundò; quò probabilius est, nobis non cooperatoribus, alterum non peccatum. Tertiò; Quò cooperatio propinquius peccatum attingit. Quartò; Quò minus iuris habetur ad tale opus indifferens ponendum. Quintò denique, quò magis peccatum, iustitia est oppositum; & hoc propter damnum tertij. His positis,

## RESOLVTIO.

**A**d Casum Resp. Titium, pecunias suas apud Vsurarium deponendo, non peccasse mortaliter peccato scandalis. Sanchez lib. 1. som. c. 7. num. 36. Valentia 2. 2. d. 5. quest. 2. 1. p. vlt. in fine. Molina tom. 2. dub. 331. colum. 2. Rebell. p. 2. de iust. lib. 8. qu. 16. s. 4. num. 20. Caset. 2. 2. quest. 78. art. 4. Arag. p. 62. ar. 5. in solut. ad vlt. & alij plures apud istos.

10 Primò; Quia Titius, ius habebat, & iustum causam, talem pecuniam apud Vsurarium deponendi, cum aliis modis tunc nou occurret, eam non amittendi, Ergo, quamvis præuideret, Vsurarium ea abusum ad vsuras, non peccauit deponendo; nullus enim peccat utendo iuresuo ex iusta causa; nam eo ipso quod adest iusta causa, obligatio vitandi peccatum proximi cessat, licetque potest permitti.

11 Secundò; Quia, ea pecuniae depositio, cum non sit, ex se, res mala, sed indifferens; & sola circumstantia peccati proximi vitandi eam vitiet; tunc solùm est mala, quando Titius peccatum Vsurarij impedit tenetur. Sed posita iusta causa proprij damni vitandi, Titius non tenebatur amplius Vsurarij peccatum impedire; Ergo depositio illa, non fuit mala;

supponitur autem causa sufficiens; metus illam pecuniam alias amittendi; nam cum tanto suo detimento, Vsurarij peccatum impedire non tenebatur.

Tertiò; Quia, Cum ea pecuniae depositio, non sit cooperatio directa ad vsuras, sed ad summum indirecta, tunc solùm moraliter imputabilis est, quando commode potest non ponere, ut dictum est; sed à Titio commode, & sine periculo grauius detrimenti, non poterat non ponere; Ergo illi imputari non potuit ad culpam.

Quartò; Quia tunc solùm, qui facit opus indifferens, quo credit, alios abusuros ad peccatum, mortaliter peccat, quando hoc facit sine causà iusta, ac sufficienti; tunc enim solùm non præcauet proximi peccatum, ac damnum, quantum commode potest, sicut tenetur ex charitate, sed potius censemur illud velle indirecte, cum in moralibus idem sit, malum non præcauere, ac illud positiuè velle. Sed Titius, iustum ac sufficientem causam habuit pecuniam apud Vsurarium deponendi, ne scilicet eam amitteret; Ergo eam deponendo mortaliter non peccauit.

## OBJECTIONVM SOLVTIO.

**N**eque obstant rationes in contrarium; Ad primam enim Respondeatur; Titium non tam præbuuisse occasionem vsuræ, quam illam permisisse, cum haberet causam sufficientem pecunias apud Vsurarium deponendi, & depositio esset aliquid ex se indifferens ad bonum, ac malum vsum, & ex sola malitia Vsurarij determinata esset ad malum. In hoc autem, nulla appetet culpa.

Ad



15 Ad secundam; Negatur minor; non enim propriè cooperatus est usuræ per pecunia depositionem apud Usurarium; nam cum haberet iustum causam illam depoñendi, Usurarij peccatum vitare non tenebatur; quod tamen necessario requiritur ad cooperationem indirectam, ut dictum est.

16 Ad tertiam Respondetur; Disparitatem esse, quia consilium, & similia, sunt ex se inducita ad malum; ideoque intrinsecè mala. At pecunia depositio, non est ex se inducita ad usuras; sed aliquid ex se indiferens ad bonum, vel malum usum, & à sola malitia Usurarij determinata est ad usuras, ac usum malum; Sicut autem nunquam licet id, quod est intrinsecè malum, ita, quando adest iusta causa, licet ponere id, quod est ex se indiferens; quia tunc nulla est ratio, cur sit illicitum, cum iusta causa excusat, & tollat omnem moralem cooperationem ad malum.

## COROLLARIA.

17 Colligitur ex dictis primò; posse famulos sternere equum, & Dominum comitari, ac expectare, quamvis certò sciāt, ipsum ad fornicandum abire; quia hæc ministeria, ex se sunt indifferentia, & exhibentur à famulo, vrgente necessitate obsequendi Hero, rem indifferentem præcipienti. Si tamen famulus Herum comittaretur, ut triualem illius mulieris inuaderet, nulla ratione liceret, quia, inuadere alium, est intrinsecè malum. Si vero solum, ut à triualibus aggredientibus Dominum tueretur vel admoneret, ut sic incolmis, euaderet; adhuc ratissimè, & R.P. Beati Lib. I.

è vrgenti soldū necessitate liceret; quia, quamvis hæc actiones sint ex se indifferentes, eo quod bono, ac malo usui possint deseruire; ideoque possint aliquando esse licite; cum tamen ita proximè accedant peccato Domini, ut sint quasi positiva, ad directa cooperatio, maximè indigent causa, ut excusentur; Sanchez lib. 1. sum. cap. 7. n. 22.

Secundo; Licere famulis cibos condire, & ad mensam ministrare, ac lectum sternere concubinæ Heri; quia hæc omnia ministeria sunt ex se indifferentia, & valde remotè ad peccatum concurrunt; vnde sola obsequiū necessitas sufficit ad illa excusanda. Si vero Herus ascendere velit per fenestram; ob solam rationem famulatus, non licebit humeris sustinere, vel scalam admouere, ut ascendere possit, sed alia grauior causa requiretur, qualis esset vitatio alicuius magni damni, quod alias timeret; cum enim hæc ministeria, valde proximè peccato accedant, sola ratio famulatus non videtur sufficere ad excusandum; Nauar. sum. c. 20. num. 16.

Tertiò; Probabilius esse, quod ex 19 graui causa liceat famulo, scribere tantum litteras amatorias concubinæ, nomine Heri; eas tamen non deferendo, quia proferre, vel scribere verba turpia, non est intrinsecè malum, sed indiferens, eorumque honestas, vel dishonestas, pendet à fine proferentis, vel scribentis; Cum enim verba, vel scriptura, sint signa conceptuum; in tantum erunt prava, vel honesta, in quantum conceptus erunt prava, vel honesti; sed rei turpis conceptus, indiferens est; potest enim

Qq bo-

bonum finem spectare; ut inuestigatio-  
nem ipsius malitiæ; & malum, ut fomi-  
tem libidinis; Ergo dari poterit aliquis  
casus, in quo famulo, huiusmodi ver-  
ba turpia scribere liceat; ut si alias immi-  
neret periculum alicuius noctimenti gra-  
uis. *Sanchez lib. 9. Matr. d. 46. nū. 34.*

**20.** Quartò; Non esse etiam improbabile,  
quod famulus ex graui causa possit deferre  
litteras amatorias ad concubinam, quia  
deferre litteras ita materialiter, non vide-  
tur directa cooperatio ad peccatum, tan-  
quam proximum instrumentum sed ma-  
gis remotè se habere; Internuncium au-  
tem de eisdem rebus turpibus deferre,  
nunquam licet, quia famulus per tale in-  
ternuncium censetur directè, ac proxim-  
mè Heri peccato cooperari tanquam in-  
strumentum, quo mediante Herus mu-  
tueretur inducere ad peccandum.

**21.** Quintò; Licitum esse, domum mere-  
trici, aut Vlurario, locare, modo loce-  
tur ad habitandum, & non ad turpiter  
agendum, quia sic locans, vtitur iure  
suo, nec censetur eorum peccato coope-  
rari, cum locus, extrinsecè ac nimis re-  
motè ad peccandum se habeat. Imo li-  
citum etiam videtur, cubiculum commo-  
dare petenti ad fornicandum, quando abs-  
que graui detimento negari non potest;  
quia commodare cubiculum, ex obiecto  
non est intrinsecè malum, sed indifferens,  
& ex sola praua abutentis intentione, ad  
malum determinatur.

**22.** Sextò; Non peccare mortaliter Cau-  
pones, vendentes vinum bibere volenti,  
ut inebletur, si aliquod damnum ex talis  
vini non venditione illis obueniat; secus  
vero, si nullum inde damnum patereantur;  
Ea enim vini venditio, non est ex se, &

ex obiecto mala, sed indifferens; Ergo  
ad vitandum aliquod incommodum, pot-  
erit esse licita; Idemque dicendum vi-  
detur etiam, cum cibos ministrant die  
ieiunij, scientes, alios petere ad ieuni-  
um soluendum; Cum enim, ministrare  
cibos alteri, non sit ex obiecto malum,  
sed indifferens, & sola circumstantia scan-  
dali generalis, & occasio risuæ proximi-  
mi, illam vitetur; tunc solùm erit mala,  
quando ministrens, scindalum vitare te-  
netur; tunc autem solùm ad hoc teneratur,  
quando iustum causam excusantem non  
habet; qualis esset in hoc casu, amissio  
Heri, aut aliud simile damnum. *Lessius  
lib. 4. c. 2. d. 4. n. 24.*

Septimò; Mortaliter non peccare, qui  
facit aliquod opus indifferens, quo alter  
iam paratus ad peccandum, abutetur, &  
quod opus alter faceret, si ipse non face-  
ret; Tum quia, hæc videtur leuis coope-  
ratio, quæ sufficere non videtur ad mor-  
tale; Tum quia, etiamsi ipse abstineret  
à tali opere, adhuc peccatum non evi-  
taretur; adhuc enim aderet aliis, quilibet  
faceret. Hinc excusantur artifices,  
qui vendunt ornamenta mulieri, quibus  
credunt, ipsam abusuram ad malum;  
quia eadem ornamenta illi venderentur  
ab alio; & caupones, qui cænam parant  
nolentibus ieunare; quia nolentibus ipsis  
parare cibos, adhuc peccatum non impe-  
diretur; alibi enim hospites, cibos inue-  
nirent, & ipsi interim damnum pateren-  
tur; cum præsertim, concurrent non vi-  
deantur ad cœnam, quatenus est fractio  
ieiunij, sed solùm prout est aliquid deser-  
uiens ad refectionem, quod non est in-  
trinsecè malum. *Valentia 2. 2. d. 9. qu.  
2. p. 3.*

QVAE.

